

南

河

志

南河志序

寰中之士大夫其膏唇撇
舌索走於治河之議者無
慮數十家聽其言雖畱夫
之對上林禽獸簿纖悉不

是過而考其實欲求陶荆
襄竹頭木屑以備廳事之
用者亦不可得余嘗蒿目
于國家之河計而尤廢署
怵息於我鄆之南河也夫

南河之視大河若第一衣
帶水餘瀆噴沫之緒然而
起崑崙導積石滔騰澎湃
播於廣陸如瓠子之決屯
氏之塞轉徙無常動煩辟

馬此大河之神異也至若
經三湘度七澤過洞庭下
彭蠡飛萬里之帆破千層
之浪舉吳楚閩粵數百萬
石之漕粟取道入淮以達

京師此則南河之神異也
夫大河有患時有潰決然
所壞官亭民舍田里塘落
不啻一隅告警而南河一
有患棉花有恙秋水生塵

南北腦絕稊米不通如目
才弓疵喉間有物此其弊
視大河不能爭巨細而能
爭舒迫故厯考治大河者
自三代以前唯殷世中

患至遷耿遷顓以避其橫
下此唯漢日與之角淇園
之竹幾罄內府之璧長沈
此至拮据不可彈述而南
河之締造始於隋煬帝植

堤南巡始自秦郵貫於淮
陽聯絡五湖迤邐龍舟自
汴踰淮以看花廣陵延袤
三百餘里迄唐以降代藉
為運道而遲日錦纜之遊

乃爲韓滉運米之區至我
朝尤賴其用舊堤之外復
建越堤以護持東南數百
萬石之漕粟而獨以一線
長堤與河伯吞天排嶽之

勢抗衡岌々乎幾于浮齧
桑而偪淮泗我鳴部朱公
以郎署出嬰都水長丞之
使視事南河較中北兩河
最劇而要而公精敏強幹

策度無怠勞不乘暑不益
誓以與河爭死世之安洒
沉澹菑倍高堙卑其脩墩
築堤開渠復閘之工罔不
具贍而復舉其成迹旁稽

綜覽彙而為帙以為南河
志夫大河之翬造機務始
自前朝疏濬雍塞代有紀
錄而南河之便宜愆事補
葺一切以維今日之急此

其事尤亟而瑣故龍門之
河渠書扶風之溝洫志雖
謂并邑陸海籠罩無垠而
我朱公之為此志上自金
科玉縣下至蒿柳捷石亦

皆列若鬚眉洞然畢見不
可謂陶工竹木之藏非蕭
相轉輸之用也大率馬班
二公取於成一己之書不
過記故實叙成事而已

揀籌樹策者無資焉若我
公乃心王室蚤經請共不
以官為傳舍河為畫餅一
日事々期於累世為楷以
故此志述強業詔來者不

矜夸大之談不遺纖悉之
務使梯航效順江汧安流
无此計也令馬班二家在
今日失其鋒矢則謂我公
爲河之董賈而此志爲河

河之金湯也豈云噬口乎

廣陵李思誠次卿甫

南河志序

語云防河如防虜猶易言之也
虜雖狡黠亦人也可威之使不
來可拒之使不入可驅之使復
去若黃淮二瀆發源弘遠歷數
千百里茹萬川之灌又或積霪

助其盈狂颺鼓其悍如排山倒
海而下實有神焉行乎其間誰
能制之無瑕不攻無疎不破蟻
穴之隙可潰千里治之之法無
如其難者卽神禹荒度排瀾八
年亦因而導之行所無事耳予

常謂治河固難知河不易河防
學問至廣大亦至精微非流覽
博心思細經歷熟者道隻字不
能卽縷縷言之亦解隻字不能
此別是一種經濟非可聰明識
力嘗試者也況夫酌今管之變

窮通塞之隱權利害之故察天
地人之宜妙疏築濬之用知之
明又處之當而後可以繕理帖
然胼胝底績則譚何容易諱乎
朱上愚司空之言曰水土之事
原有專門虛浮之奸釐于習者

也至淮揚南河百谷交滙巨湖
爲壑黃淮于此歸墟江海于此
受注漕運于此終始都水氏且
節宣且利導俾河流順軌民快
平成軍樂騰飽尤難之難者已
予受若事又值洪水頻災漕輓

積玩河事多艱且內外之帑如
洗

廟堂之令如霜窮年畚鍤夙夜
皇皇人言櫛風沐雨勞予櫛沐
幾廢矣人言水宿露餐苦予宿
餐幾忘矣九經險陷而不死沉

溺十數里而又不死一差三載
而不得去一留再留而又不得
去予于南河疑有宿緣焉而肝
膽精魄亦旣殫罄于茲矣遍搜
水衡諸書讀之用率舊章而于
朱公敬輅所纂南河志覺夏津

津然若所云知明處當也一披
閱思過半矣予數年陳之章奏
聆之司空益之集思隨試輒效
者胸次稍若進併以續貂兩端
之執或亦用中者之所問而察
也予丁河之亂拮据重藁祇補

棟之不遑人力物力已交困矣
事屬急務尙族議舉者一築堤
不若挑河黃流灌河客土溜河
河身日高莫克容水年年築之
水行地上民居釜底決如建瓴
以築堤之費挑河水行地中而

河日深取泥築堤而堤日厚醫
家所謂急則治標緩則治本者
是也一保堤莫若增閘堤各有
閘閘無不通遇水之暴疏洩宜
廣如分水減水各閘湮者開之
隘者濶之稀者密之役多

河以殺之先哲所謂二壺蕩水
五竅先涸者是也至淮東大河
向無遙縷堤夫亦無塹鋪防夫
郡河丞急淮河復急淮漕歲不
再至若或擲之今且大壞工役
繁興則設專官以嚴責成設留

夫以圖善後皆必不容已之圖也敢因序河志而併及之以俟君子

肯

崇禎歲在癸酉三月朔日

賜進士出身奉政大夫修正度

尹奉

勅提督河道兼理漕務工部都
水清吏司郎中東魯徐標撰

序例

南河之系司載祀百有六十矣先臣
述紀畧而亦嘗志也夫郡邑之有
志創自我

明九卿臺省之有志備于近代何南
河之獨可無志乎志矣而不實以河
則離實矣而不久其用則狹余之作

志々南河所自有也志南河所自有
而彙拆之為二十三條實而且訐也
夙夜匪懈畏此簡書志

勅諭敬尔在公代謹三尺志律令在
河事河循境而守志疆域無源勿
探無流勿歷志水利動衆須賢注
籍而後志河賦百僚師々率作有

序志職官瓜期遞易展卷即知志
年表堂皇相承繕修俟後志公署
山川保護藉諸百靈志祠廟傍堤
假濬居夫築室志鋪舍巡守有
恒興調以時志夫役運土備舟撈
鑿無擾志淺船木石所需權價定
式志物料堤所護持植以蒿柳志

樹株人臣無專舉事必請志章奏
慮有愆忘舊章是率志規條芻
蕘淺見試之躬行志條議叢卑體
殊宣之以牒志文移勒石紀勲表
以示衆志碑記先哲懿行光以發
青志列傳雍容掄揚河之鼓吹志
詩文經羅舊聞每慮其逸志遺

事河漕屢變今古互徵諸水系疏
向背宜悉作沿河以下十八考凡
志所載皆城內之水凡考所載則
就河漕而傍及之故別自為卷本
州諸書較訂者則於卷之首素不
與較不與社者不護聽入

天啟乙丑孟陬三日河臣朱國威書

子珠湖別署

南河志跋

余衡覽水經河渠諸書而知天
地一積水也九州一島也古來
澤洞無垠淼茫萬狀南河無有
焉故俗相狃自黃入淮則細流
耳余受事南河則惴惴然思

天子懸咫尺之書重之俾乂吳越
江楚四百萬漕艘銜尾而進脫
纖芥有梗可手掬乎可輿輦乎
而正無如河堤之日嚙也物力
之漸窘也人情之積玩也窟穴
之彌深也高寶之形如釜底寸

土之難難于萬山將何道而令
嚙者頓全一銖一粒有司者主
之那移滿紙徵解愆期勢必坐
廢而莫可補救而玩生怠怠生
弛欲仍緩之而以緩爲罪欲急
之而以急爲騷非有力者大振

刷不可獨窟穴一節戎索繇我
似可釐剔而一法立一弊生卽
所認以爲釐剔者什之六耳維
此數者目洞而心駭焉亟取雲
間

朱公志讀之按形勢必探其原

委次沿革必攷其名實酌修築
必核其利病出匠心之經緯作
後事之津梁實

國計而軫民瘼當使懷襄無勢
滔天失險余之悲轉爲喜而公
之言洵爲功也孰是編而奠坤

維紹禹烈直衿帶間耳

長水顧民岩題于秦郵署之
鶴軒

南河志跋

先生南河之侯賓繼雲間朱公
後生公之治南河也肅而閑精
強而博大濶兩河之積淤達清
口之越閘築淮安江高之石堤津
梁之虎翼者剪之夫征之狼攫

素清之跡集興暨無改不舉
當道為請必秩竟成績逾四年
始以秦知行省政事轉督漕計
取生受成事取畫一甲令兩字
浹歲間淮揚一水平如席皆公
教也虞考公所治河者具哉

南河志一書，凡二十卷。廣興
城無公紀畧而裨其漏裒古
今河渠諸家言而筆其長至
松邵導窾洞筋擢髓一以卓後
取裁焉。經之以江湖沙淮之險
而設塘溝港閘洞堤壩，卒不

條而折也。律之以夫。德錢穀材
物而至。舟楫。畚鍤。木屑竹頭。
盈把之株。至東之。一簣土。一
畚石。多不。舉而備也。利病。屢
燃。職掌。眉列。誠。江。河。司。南。來
南。河。轄。運。渠。南。北。不。五。百。里。而

洪波巨浸稽天無地海口有易
梗之吻清壩奪啓閉之期黃流
挾倒灌之勢河行地上城郭
在釜底埋岸若崇墉昔之陂
澤塘港爲運渠畝蓄洩者今
皆空名可換蘆縣金隱將多襄

年中涸之患且河性日害徐城
沿而震駭於陳嚙歸仁而
陵無乾土廟高堰剝馬邏而
兩郡震胥陂波臣典守不寧
宵寐夾臨天懷山々景象日提
衡移心目而後瀾可永安也慎哉

於儀穴占逆挽於鯨浪功用
相反也此其它考故實而脩明
之斯志其嚆矢矣不然河事百
年無事之運賊而圖之曷其有
及覽斯志也然無益患之自來
於生監河屋無事然不敢以事

幅也申朱公政先後多所揚抑
會朱公屬考求年業而公贊一
指旋得量移去因述規隨之指
自附末簡如其損益且俟後之
知政者

天啓丙寅夏潤月哉生初河使

看戲
平生
敲鼓
跋扈
於
實
帶
河
舟
次

纂輯姓氏

工部水司新昌熊子臣

華亭朱國盛

海鹽彭期生

嘉興顧民畧

濟寧徐標

同較姓氏

高郵知州萍鄉毛國宣

學正太湖趙璧

卿官 宋應圖

李化民

王永吉

舉人

鄭元勛

饒家慶

胡長澄

生員

胡長法等

南河志目錄

卷之一

勅諭

律令

疆域

水利

卷之二

河賦

職官

年表

公署

祠廟

舖舍

夫役

淺船

物料

樹株

卷之三

章奏

卷之四

章奏

卷之五

章奏

卷之六

章奏

卷之七

規條

卷之八

條議

卷之九

條議

卷之十

雜議

卷之十一

碑記

卷之十二

列傳

卷之十三

詩文

遺事

卷之十四

文移

附

南河志卷之一

南河郎中朱國盛編輯

員外郎彭期
郎中領

郎中徐標續纂

勅諭

王言宜尊簡書可畏河漕重地職守當嚴欽奉

勅諭者三恭錄志之簡首

萬曆元年勅諭工部管南河郎中今命爾管理珠梅閘直
抵儀真一帶河道提督各該軍衛有司掌印管河并閘壩

等項官員人等及時挑濬淤淺修築堤岸務使河道疏通
糧運官民船隻往來無阻其應該出辦椿草等項錢糧查
照原額數目依期徵收貯庫以備倉卒應用出納之際仍
要稽查明白毋容所司別項支用其各該管河官員務令
常川巡視不許營求別差亦不許別衙門違例差遣但遇
洪水泛漲衝決堤岸各照地方即時修理如或工程浩大
人力不敷量起附近軍民相連用工事畢即行疎放爾仍
聽總理河道都御史提督遇有地方事務呈請轉達施行
但一應興利除害有益河道事務勅內該載未盡者聽爾

從宜區處若該管地方軍衛有司官員人等敢有徇私作
弊賣放夫役侵欺椿軍錢糧及抗違不服調度致悞漕運
者輕則量情責罰重則挈問如律干礙文職五品以上并
軍職叅奏處治其事體重大及事干漕運并撫按巡河等
衙門者亦要公同計議具奏定奪每年終通將役過人夫
用過錢糧修理過工程查照先次題准事例徑呈總理河
道衙門一并造冊類繳各該掌印管河官員賢否照例備
造揭帖軍職送兵部文職呈吏部并工部以憑黜陟三年
滿日差官更替爾須持廉秉公正已率下凡事務在區畫

傳當使人無勞擾往來稱便庶副委任之意欽哉故

勅

萬曆六年勅諭工部管南河郎中今命爾管理淮安天妃
閘以南至儀真一帶河道在於高郵駐劄提督各該所屬
軍衛有司掌印管河并閘壩官吏人等及時挑濬淤淺修
築堤岸如工程浩大人力不敷量起附近軍民相兼赴工
事畢即便撤放其高郵堰柳浦灣黃浦口各緊要處所爾
宜提督淮安府同知加意整理務保無虞應該出辦椿草
等項錢糧查照原額數目徵收貯庫仍要稽查出納毋容

所司別項那移若該管地方軍衛有司官員人等敢有徇私作弊賣放夫役侵欺播弄錢糧及抗違不服調度致悞漕運者輕則量情責罰重則鞫問如律干碍文職五品以上并軍職叅奏處治爾仍聽總理河道衙門提督其事干漕運并撫按巡河等衙門亦要公同計議具奏定奪每季終通將役過人夫用過錢糧修理過工程查照先後題准事例徑呈河道衙門造冊類繳各該掌印管河官員賢否遵照近題事理分別舉劾三年滿日預先呈部差官更替如遇陞遷考滿俱候委官交代明白方許離任其有司官

參見禮儀知府以下俱照恤刑郎中事體而行敢有凌抗
致悞公務者聽爾從實叅治爾須持廉秉公盡心區畫務
使河道疏通糧運無滯毋得因循推諉致有疎虞爾其慎
之欽哉故

勅

萬曆四十三年勅諭工部管南河郎中近該工部題稱酌
議就近委官督徵未完木植以備工用先年差官前往南
直隸聚木地方收買鷹平條槁等木陸續起運除已收外
尚欠木價銀壹拾貳萬陸千伍百兩零節經移文督催久

未完解今特命爾不妨原務帶管督徵南直隸未完木植
爾便移文會同撫按行所屬有司一面將各商名下逋欠
木植責比買補其撫臣所報先經買過木植停泊淮揚未
經起運者差官驗實即選委府佐廉能官就彼兌領押同
本商起運水脚缺乏照依部議將應天事例銀動支壹萬
兩給發委官沿途給散以資夫役實用所到地方着令管
河有司及軍衛官即催出境不許停泊令其剋期抵灣其
各商逋欠少者限一年完足多者不得過二年如有一年
之內完者准與免罪不許支吾踰限自干法紀各商疲累

已極如無木責令完銀解部抵補先儘自己家財不許扳及無辜如有奸猾之徒倚恃勢豪不行完官及有司偏護阻撓者爾即會同撫按應拏問者徑自拏問應叅奏者叅奏處治本差該三年報滿能於差內追完三分以上准與叙錄全完者破格優處如差滿而木植未完新舊交代即將勅書并欠數授受明白俟完日繳

勅仍將已未完木數銀數造冊報部以便查考如地方有司官同心任事協贊催比者聽爾薦獎有玩愒者指名叅究本官經臨駐劄去處吏書門皂并各項供應該縣驛查照

勅

恤刑事例撥給日用廩糧紙劄就於見進木價銀內扣抵
免行加派爾宜悉心區畫殫力任事俾逋欠早完大工有
濟斯稱任使如或怠緩誤事責有所歸爾其欽承之故

律令

傳曰前主所是著為律後主所是疏為令夫禁暴止邪律
例森然

列聖相承

憲章赫若舊志載諸事例而忽之明其政刑司

空無法乎今取河務及漕務凡 奏准已經

上裁者按年而列之以昭法守

大明律凡盜決河防者杖一百盜決圩岸陂塘者杖八十若
毀害人家及漂失財物淹沒田禾計物價重者坐贓論因
而殺傷人者各減鬪殺傷罪一等 若故決河防者杖
一百徒三年故決圩岸陂塘減二等漂失賊重者准竊盜
論免刺因而殺傷者以故殺傷論

凡不修河防及修而失時者提調官吏各笞五十若毀害
人家漂失財物者杖六十因而致傷人命者杖八十

若不修圩岸及修而失時者笞三十因而淹沒田禾者笞五十

其暴水連雨損壞隄防非人力所致者勿論

問刑條例凡故決盜決山東南旺湖沛縣昭陽湖蜀山湖安山積水湖揚州高寶湖淮安高家堰柳浦灣及徐邳上下濱河一帶并各堤岸阻絕山東泰山等處泉源有干漕河禁例為首之人發附近衛所係軍調發邊衛各充軍其聞官人等用草捲閘閘板盜泄水利串同取財犯該徒罪以上亦照前問遣

河南等處地方盜決及故決隄防毀害人家漂失財物淹

沒田未犯該徒罪以上為首者若係旗舍餘丁民人俱發
附近充軍係軍調發邊衛

占夫條例凡運河一帶用強包攬閘夫溜夫二名之上撈
淺鋪夫三名之上俱問罪旗軍發邊衛民并軍丁人等發
附近各充軍攬當一名不曾用強生事者問罪枷號一箇
月發落

比附條內直隸徐州上下凡係黃河經由去處如有盜決
故決河防干碍漕運者悉照山東河南事例為首者民發
附近衛所充軍軍調邊方衛所

宣德四年令凡運糧及解送官物并官員軍民商賈等船到閘務積水至六七板方許開若公差內外官員人等乘坐馬快船或站船如是急務就於所在驛分給與馬驢過去並不許違例開閘進貢緊要者不在此例

成化九年兵部奏准南京

進貢時鮮等項船隻照依所擬隻數差撥運送仍於管運官員關文內明白開寫數目以憑沿河官員查照應付本部仍通行淮揚迤邐一帶巡撫巡接管河洪閘等官各行所在官司凡遇各起進鮮等項船隻經過務要逐一查驗比

與今次所擬隻數相同方許應付人夫拽送前去不許畏
避將夾帶數外船隻一槩應付

成化十年奏准凡府州縣添設通判判官主簿及閘壩官
專理河防不許別委幹辦他事妨廢正務 凡府州縣

管河及閘壩官有犯行巡河御史等官問理別項上司不
得徑自提問 凡閘惟

進貢鮮品船隻到即開放其餘船隻務待積水若豪強逼勒
擅開走泄水利及閘開不依幫次爭鬪者聽閘官將應問
之人挈送管閘并巡河官處究問因而閘壞船隻損失

進貢官物及漂流係官糧米并傷人者各依律例從重問罪
干碍豪勢官員叅奏究治其閘內船已過下閘已閉積水
已滿而閘官夫牌故意不開勒取客船錢物者亦治以罪
凡漕河事務悉聽典掌之官區處他官不得侵越 凡

漕河所徵椿草并折徵銀錢以備河道之用毋得以別事
擅支及無故停免 凡閘溜夫受雇一人冒充二人之

役者編充為軍冒一人者枷項徇衆一月畢罪遣之

凡侵占牽路為房屋者治罪撤之 凡漕河內毋得遺

棄屍骸淺鋪夫巡視掩埋違者罪之 凡閘壩洪淺夫

官員過者不許招呼牽船

凡馬快等船每駕船軍餘

一名食米之外聽帶貨物三百斤若多帶及拊搭客貨私鹽者聽巡河管河洪閘官盤檢盡數入官應提問者就便提問應叅奏者叅奏提問

凡船非載

進貢御用之物擅用響器者治罪其器沒官

凡南京差

人奏事水驛乘船私載貨物者聽巡河御史郎中及洪閘主事盤問治罪

凡南京馬快船隻到京順差回還兵

部給印信揭帖備開船數及小甲姓名付與執照預行整理河道郎中等官督令沿途官司查帖驗放若給無官帖

而擅枝豪勢之人乘坐回還及私回者究治

成化十三年欽奉

聖旨近聞兩京公差人員裝載官物應給官快等船近有等
玩法之徒恃勢多討船隻受要各船小甲財物縱容拊搭
私貨裝載私鹽沿途索要人夫捐取銀兩恃強越過巡司
搶開洪開軍民受害不可勝言運糧官軍倣倣成風回還
船隻廣載私鹽阻壞鹽法恁都察院便出榜通行禁約敢
有不思改悔仍蹈前非者許管河管開官員并軍衛有司
巡捕官兵嚴加盤詰應挈問者就便挈問如律照例發落

應奏請者指實密奏以

聞若管河管閘等官容情不舉坐視民患事發一體究治
弘治三年令各府州縣管河官帶領家人專在該管去處
住坐管理河道不許私回衙門營幹他事

正德七年工部欽奉

聖旨京儲重事今運河水少又被往來馬快座船人員挾勢
越幫強開閘座走泄水利誠恐阻滯糧運總部裏便申明
舊例行都察院出榜禁約今後再有似這等的重治不饒
凡民運白糧船隻自為一幫聽其取便挽拽前進過水

淺閘河擠塞去處仍依幫次打放不許恃強爭搶損壞船隻漂流糧米如違聽管河管閘管洪等官究治

嘉靖元年令管河管洪管閘管泉郎中主事嚴併所司各將該管河道躬親巡歷遇有決口上緊築塞泉源淺淤設法挑濬凡河道事體一遵舊規其南北民船不許爭搶關座耽遲糧運違者聽巡河御史管河郎中管洪管閘主事等官拏問

嘉靖三十八年題

准各該河道大小官員自通州至儀真及揚州高郵各地方

俱要及時修築堤岸疏濬河渠以濟糧運如遇非常衝決亦要多方設處亟行修築臨期候事者軍衛有司官員悉聽漕司河道衙門及巡倉巡河御史叅提照依運官叅降事例阻淺十日該管有司軍衛罰俸半年阻淺二十日罰俸一年阻淺一月軍官降一級回衛差操有司降一級赴部調用管河郎中照才力不及事例降一級調外任河道都御史聽南北科道巡鹽巡倉御史叅奏

隆慶元年戶部題

准凡遇糧運歲行之時管河郎中移駐儀真一遇阻淺親督

人夫即時挑漕

隆慶四年題

准每年漕糧俱限十月開倉十二月終完兌開幫如十二月
終有司無糧軍衛無船督糧司道及府州縣掌印管糧官
并領運把總指揮千百戶各罰俸半年過正月者各罰俸
一年過二月者各降二級布政司掌印官降一級三月終
不過淮者督押司道等官及領運把總以下各降一級四
月終不過洪者一體叅究

隆慶五年題

准各處巡撫漕運河道等官於兌運事竣將兌完過淮過洪各日期并船糧細數

奏報巡撫不得過二月漕司不得過三月河道不得過四月如有司糧米不完軍衛船隻不備以致過淮遲悞者罪在巡撫若有司有糧軍衛無船并船已到淮不即驗放及不係河道變故壓幫停泊有悞過洪原限因而漂凍寄回者罪在漕司其糧船依限前進河渠淤淺䟽築無法撈淺無人及閘座開閉失時致有停阻不得過洪抵灣罪在總理河道悉聽科道官叅究

隆慶五年題

淮漕河一帶自儀真至江通州俱有額設淺鋪淺夫每年沿河兵備及管河郎中主事備細清查照額編補不時查點責令專在地方築堤疏淺拽船事完照例採辦椿草違者叅究

萬曆元年題

淮直隸徐邳上下黃河經由去處如有軍民盜決故決河防干碍漕運照例將為首者民聚附近衛所充軍軍調邊衛萬曆元年題

准官軍兌糧江址各府州縣限十二月以裡過淮應天蘇松等府縣限正月以裡過淮湖廣江西浙江限二月過淮山東河南限正月盡數開幫如有違限聽僨運等官查照又近分別叅究治罪

萬曆三年題

准黃河廣濶運船取便越幫利於速進著照近例行

萬曆七年題

准每年糧運過淮之日高郵管河郎中駐劄儀真張秋郎中駐劄濟寧通州管河郎中駐劄河西務以便督理一遇淺

阻親督人夫即時挑濬

萬曆十二年題

准凡運軍土宜每船許帶六十石沿途遇淺盤剝責令旗軍
自備腳價例外多帶者照數入官監兌糧諸等官水次先
行搜檢督押司道及府佐官員沿途稽查經過儀真聽償
運御史盤詰淮安天津聽理刑主事兵備道盤詰六十石
之外俱行入官經盤官員徇情賣法一併叅治其餘衙門
俱免盤詰

萬曆十三年題

准各總衛所田空糧船私攬商貨沿途易賣屢稽新運許沿途司道等官着實盤詰等問貨物入官押空官通同分利
參降一級發回原衛帶俸差操

又重運漂損該總漕尚書褚鈇題本部覆

准如遇江洋大患漂流入船淹沒地方有司及該道親詣勘實具呈漕司照例

奏豁總運各官不能自備處補照例查降職級其河道小患損失除撈獲濕米准令分派各船抵換食米外不足米石盡令失事旗甲變產陪補不敷次及運官再次及把總不

許擅扣軍糧如係假捏許本幫各幫軍人及地方居民從實首舉照例給賞官軍問遣把總革任此二十三年具題事也
萬曆十五年兩淮巡鹽御史陳遇文題本部覆

准每年回空糧船漕儲道查照各船卸糧先後挨次編定號數明註單上使所過官司按號稽查如後船已過前船不到即沿河挨掣私貨入官押空官照例叅降

萬曆十八年題

准運軍土宜每船除六十石外若有多餘或違禁仍載竹木沉重等物及沿途收買貨物者將貨物盡數入官仍將違

法運官指名叅治如經管地方盤驗官員徇情賣法聽河道衙門叅處開兌之時糧儲道加意檢查違者亦同叅治

疆域

古者設官分職必封疆畫界以責其遵守南河之設雖不主於牧民畜衆然治河調發府縣攸關茲特先定疆域俾知所職司云

成化間南河所轄自沙河達儀真嘉靖四十五年自珠梅關達儀真萬曆五年別設中河郎中則南河分司止管淮

揚河道

河道

淮安府

山陽縣

清河縣

清河口界

揚州府

高郵州

寶應縣

江都縣

瓜洲界

儀真縣

攔潮關界

河程

湖廣江西上江漕者由揚州儀真驛七十五里至廣陵驛
浙江下江漕者由瓜洲鎮四十里至廣陵驛五十五里至邵
伯驛六十五里至高郵州孟城驛六十里至界首驛六十

里至寶應縣安平驛八十里至淮安府淮陰驛六十里至
清河縣清口驛止凡四百五十五里

水利

河 湖 塘 溝 港 溪 津 潭 蕩 江
澗 灣 堰 洩 閘 壩 洞 塢 海 田

南河以河道為職守督運為要務夫苟欲治河通運而不
知水利可乎必洞悉川源所從來灘瀨之高下而後畚鍤
有所施謹詳列諸目於後曰河所以行水也曰湖曰塘所
以蓄水也曰閘曰壩所以節水也曰洩所以防淤也曰涵
洞所以洩水也運道所經惟黃淮為最大今備載考中且

不盡為南河之域茲弗列溝港之屬間有關係亦附載焉

運河

即邗溝也一名漕河一名官河從江而入有二道

自儀真江際東行四十里至石人頭入江都界又二十里至楊子橋南自江都縣瓜洲鎮北行二十五里亦至楊子橋二河始合北行一十五里至揚州府江都縣又五十五里至邵伯鎮又三十五里至三十里鋪高郵州界又北行三十里至高郵州又六十里至界首鎮寶應縣界又六十里至寶應縣又北行二十里至黃浦山陽縣界又六十里至淮安府山陽縣又西北行歷清江浦六十里會淮出口

入黃河至清河縣

新河

總漕尚書凌雲翼所鑿起自楊家廟至清河縣文華寺止原因兼行糧運後因走漏部稅復閉塞至天啟四年本司重開行運以便挑濟正河河關仍復築壩

澗河

即菊花溝在山陽運河之下西接運河閘洞之水

東通射陽湖入海之路

烏沙河

在淮安府城東通方信二壩以備車盤船隻貨物

入黃河今久不車盤河道湮廢

沙河

即運河也自山陽至清河凡六十里喬維嶽所開

我明平江伯陳瑄疏濬復通由清口入黃

漳河

寶應縣南六十里東北入廣洋湖

涇河

寶應縣北四十里東入射陽湖

弘濟河

汜光湖東萬曆十三年開 賜名弘濟俗呼越河

茅塘港支河

郎中詹在泮開西接盱泗諸山之水東通

邵伯金家灣下芒稻河

康濟河

高郵州城址亘四十餘里白昂所開 賜名康濟

開河

舊名運鹽河在高郵下河東抵興化縣西抵運河

堤岸俗呼東河

界首越河

萬曆二十八年郎中顧雲鳳開挑以避湖險

邵伯越河

屬江都縣萬曆二十八年郎中顧雲鳳築堤界

湖行舟以避湖險

邵伯新河

邵伯南五里許曰金家灣下通運鹽河

芒稻河

上通運鹽河接金家灣之水下至江十八里今

於河口建壩然不如建閘啓閉之為便也

寶帶河

即江都城南新河太守郭先復開周廻六七里

從姚家溝入舊官河

白塔河

江都東北六十里平江伯陳瑄所穿南入江今

建石壩過水不通舟

運鹽河

江都縣東北一十餘里至灣頭即朱莫灣東通

海陵如皋通州海門泰興其各支派通於諸場故名

伊婁河

江都南十五里唐齊澣關以通運

槐家河

自陳公塘接雷塘引水入運河

淮子河

界句城陳公二塘間會東湫水入運河

汙河

儀真東十里水出山澗通官河

按諸河俱通運河或引水濟漕或疏漲入海舊紀多略
今特載之其無關河道者不錄

邵伯湖

江都縣北四十五里晉太傅謝安出鎮廣陵築

堤捍禦民田得收後人以比召伯因名湖與埭焉

黃子湖

江都縣北六十里東通官河西至末口

赤岸湖

在湖際

新城湖

江都縣西北四十五里東通官河西抵民田

艾陵湖

邵伯鎮東西抵官河

大石湖

江都縣東四十五里

白茆湖

邵伯西舊建斗門橋官河水涸則引湖水濟漕

葑塞湖

江都縣東北五十里

朱家湖

江都縣東北五十里

淶洋湖

江都縣東北六十五里北通高郵

甕子湖

江都縣東北六十五里

新開湖

高郵州西北三里東南俱通運河長濶一百五

十餘里天長諸水俱匯於此

甓社湖

州西三十里通鰲兒白湖宋孫莘老讀書湖陰

見大珠其光燭天是年登科

平阿湖

州西八十里通天長縣銅城河

樊良湖

與新開甓社稱三湖

五湖

州西六十里平阿東村通銅城河

珠湖

州西七十里通五湖宋秦少游詩高郵西北多

巨湖累累相連如貫珠

張良湖

州北二十里通七里湖

石丘湖

州西北五十里通甓社湖

姜里湖

州西五十里通塘下湖

七里湖

州北十七里東抵運湖

鵝兒白湖

州西二十里

武安湖

州西南三十里通露筋河

塘下湖

州西四十里通甓社湖

淶洋湖

州南三十里與江都淶洋湖通

仲村湖

州東北六十里

甌潭湖

州東北九十里通海陵溪

郭真湖

州東北一百四十里中臨村通鹽城縣河

清水湖

寶應縣南湖東西長十二里南北濶十八里西

南連汜光湖東會運河

汜光湖

寶應西南十五里東西長三十里南北濶十里

灑火湖

寶應西南四十里入汜光湖

津湖

寶應南六十里東通運河西埭會汜光湖

白馬湖

寶應埭十五里東西長十五里南埭濶三里會

運河

廣洋湖

寶應東南五十里東西長十五里南埭濶三里

射陽湖

寶應東六十里濶三十丈長三百里今南埭淺

狹自固晉至喻口白沙入海延亘鹽城山陽寶應三縣境

博支湖

寶應東南九十里西埭通廣洋湖

梁湖

射陽湖埭

馬家湖

徐家湖

二湖與管家湖接由馬湖開出水入漕濟運

管家湖

山陽西門外秀麗所鍾郡之勝地

草字湖

連白馬湖洩周橋之水

洪澤湖

山陽西南九十里舊有閘宋魏運糧至此出閘

入淮

阜陵湖

在清河縣有溝通淮汴接黑魚衝萬家湖

倪墩湖

接萬家湖

灰墩湖

接倪墩湖

萬家湖

清河縣東十五里西通七里溝入淮自阜陵以

下四湖俱由灰墩湖至馬頭鎮朱家口出通運河與淮連
天啟四年本司於河口建裏頭拒黃引泗而水由外河入
海以防淤淺

按諸湖在運河之上者或資以濟酒或資以潴水在運
河之下者或資以分殺或資以入海均於河道有關故
據實紀之以備參考

北山塘

郭家山塘

二塘俱在儀真城北一里許左為宋方壘判

所築右為袁知郡所築長亘北山下舊有石壩潴水可溉

田五百頃今俱堙廢

陳公塘

儀真東北三十里漢廣陵太守陳登鑿以資溉

周紆九十餘里散為三十六汊西址依山東南面水唐宋
置斗門石礎引之濟運近被民占納租

儀真塘

儀真東北四十里半屬江都濶三百四十丈南

址長一千一百六十丈其水南流至烏塔溝南入於漕河

劃塘

儀真西址五十里方山之西靈岩之東今俱軍

民佃界六合儀真三縣

上雷塘

下雷塘

二塘在江都縣西北十五里唐李襲譽引以溉

田上塘注水長廣共六里餘下塘注水長廣共七里俱由

淮子河濟運今二塘皆佃為田

小新塘

在上雷塘東北長廣共二里餘水注上塘轉下

塘由淮子河入漕今皆佃為田

鴛鴦塘

江都縣北四十里

橫塘

江都縣東四十里

柳塘

隋煬帝所築詩人詩柳塘烟起日西斜是也

烏塘

二塘江都縣志不載所在

白馬塘

高郵州志不載

茅塘

高郵州西二十里

柘塘

州西五十里

裴公塘

州西南六十里

麻塘

州西南七十里凌塘橋北有上麻塘下麻塘

盤塘

州西三十里以上諸塘旱則蓄水溉田潦則受

西山暴水以殺其勢今盡淤為田矣

白水塘

寶應縣西八十五里舊名水陂一曰射陂濶三

十里與盱眙蘆蒲山破斧塘相連又通山陽縣今廢

美塘

在寶應與白水塘合

按陳公句城上雷下雷小新五塘漢唐以來原以溉田
濟運至吾明漕運藉以積水濟涸平江伯陳瑄置立
塘長看守侍郎王恕奏發帑銀三千於五塘各築石閘
石礎以節水旁修堤岸政以天長六合諸山之水建甌
而下盡潴於塘旱則瀉入漕渠潦則南注於江塘既墮
廢水歸三湖潰堤妨運至嘉靖十八年運河水涸管河
郎中畢鑾查修五塘令所屬府縣各復置閘設夫防守
二十四年巡鹽御史齊宗道查究占塘妨運三十七人

咸寘於法而塘復三十年奸民以陳公塘投獻仇鑒懲
敗歸嚴世蕃誅維揚士民攘臂承佃而陳公塘遂廢
諸塘悉為豪強竊據矣然尚有遺址閘石三十八年爪
洲以倭寇建城士民陰獻五塘廢石為城基以滅其跡
萬曆十七年總河侍郎潘季馴清復各塘以勞費災傷
之後姑緩其議萬曆二十三年總河尚書楊一魁會同
科臣張企程奏將句城陳公二塘候給買價其三塘議
即修復揚州知府吳秀因錢糧無措先築土壩蓄水後
復建石閘一座減水壩三座設立塘長專司啟閉即以

塘中魚利充為工食嚴禁盜挖後以水漲衝潰改建實地照舊僉塘長一名今奸民以二塘未復三塘侵占如故天啟四年本司條陳各院詳允通行管河府佐督同州縣清出各塘還官高者納租充河工之用下者瀦水濟運立以界石永為遵守庶幾瀦蓄有資而河漕有賴矣是在管河印官力行清復別立條議為將來者存案云

邳溝

即今江都運河

烏塔溝

通甸城塘以下五溝屬儀真縣

帶子溝

在縣北東二十里原建有石碓通河

蔣家溝

即五里舖減水小閘

張家溝

縣東二十里有水碓官河側

東溝

縣西南四十里其源自劉塘入江

張家溝

州北三十里有巡檢司一在州東二十八里

通淶洋湖以下十一溝屬高郵州

陸漫溝

州北三十里在康濟出口金門大閘下

子嬰溝

州北六十里上通運河建有大閘注湖水下入

射陽湖續又濬通興化入大宗湖

子涇溝

州東北一百里東注射陽湖

小京溝

州東南六十里南通淶洋湖

官溝

州東五十里通運鹽河

一溝

州東二十里

二溝

州東三十里

三溝

州東四十里以上俱通運鹽河

新溝

州西十里通高郵湖

夾溝

州西二十里昔人開築以避武安湖曹家嘴之

險

長沙溝

縣東二十五里東入廣洋湖西通運河以下七

溝俱屬寶應縣

澗溝

縣東南二十里通子嬰溝

蒲塘溝

縣西五里接白馬湖

楊家溝

縣東八十里接射陽湖

三王溝

縣東六十里入射陽湖

新溝

縣東五十里通廣洋湖

三里溝

縣西三里通運河

通濟溝

山陽縣東六十里東經馬邏港入射陽湖西入

淮河

塘梨溝

縣北一十里入清河以下七溝俱屬清河縣

七里溝

縣東南一十里入淮河

三里溝

縣東南三里入淮河今新改淮口

石人溝

縣西八里入淮河

漁溝

縣北四十里在新河

楊家澗溝

縣北四十里通淮河

雙溝

縣西南二十里出泗州迤家灣通流入淮河

七里港

縣東北十里唐長慶間節度使王播開長十九

里以便漕運以下五港俱屬江都縣

第二港

縣東南二十里在永貞沙通江

馬泊港

南接深港北接三里溝洪武二十六年工部遣

官劉子玉濬

十里港

王播鎮揚日濬以便漕

進水深港

縣東北四十七里與十里港俱通楊子江

戴子港

縣東二十里舊傳陳登嘗役五龍開港為陳公

塘之下流有二灣一曰望兒一曰相見凡五都六都河

澮之水皆會焉南入于河以下七港俱屬儀真縣

麻線港

縣東三十五里運河南境

何家港

縣東南二十里相接運河南境其本港下口又

名窯港

黃連港

縣東南二十五里有橋道通新城

鐵釘港

縣東南二十里即宋珠金沙邊地

一戩港

縣西南二十五里與青山港並為神山青山諸

水所經南入于江

朱輝港

先是漕舟鱗次江外風濤漂損萬曆八年間當

事疏

請開濬

燒香港

一在州西北十里通慈兒白湖一在州東二里

南接城子河址抵運鹽河西入廟橋以便東嶽廟行宮
燒香故名以下十一港俱屬高郵州

茅塘港

州西十五里續開通支河引高寶湖水入邵伯

湖下金家灣芒稻河入江

羅家港

州西二里

五汊港

州西十里

吳城頭港

州西北四十里

楊家港

州西七十里

洋洋港

州西

黃白港

州西址四十里

太師港

州西南三十里

小堰港

州西址三十里

曹車港

州址七十五里以上俱通高郵州西湖

望直港

寶應縣東十五里東南通城子河宋嘉定八年

港湮塞知縣賈涉復濬

劉家港

寶應縣東址四十里入射陽湖

建義港

縣東址八十里東南流通濟溝入射陽湖址流

入淮河以下三港俱屬山陽縣

馬邏港

縣東北九十里通淮河

蘆蒲港

縣東北一百一十里東南入射陽湖西流入淮

河

石梁溪

州西北自天長縣發源入新開湖以下三溪俱

屬高郵州

平阿溪

州西自天長縣發源入五湖

樊良溪

州北自天長縣流入高郵州界即古之樊良湖

也

海陵溪

俗呼琵琶頭縣東九十里西上通射陽湖亦通

高郵下河以下六溪俱屬寶應縣

瓦溝溪

縣東南十五里東上入望直港通澗溝

黃浦溪

縣北二十里黃浦鎮西南通運河東入海陵溪

又通山陽至故晉口入射陽湖

安宜溪

縣西南六十里東上入灑火湖

凌溪

縣東八十里入射陽湖

閭丘溪

縣東八十里入射陽湖

東津

儀真縣東南舊江口

楊子津

江都縣南一十五里即楊子橋一名楊子渡舊

楊子縣治也儀真縣東亦曰楊子津李白詩揮策楊子津
又曰漢水東連楊子津

清水潭

高郵州北二十里在運河堤旁

白龍潭

寶應縣西一百二十里雲山之上週迴五十一

丈深二丈餘以下四潭屬寶應縣

高家潭

縣南十五里運河西合清水湖

六淺潭

縣南二里運河堤東

丁家潭

縣南十五里運河堤東

叔兒蕩

高郵州西三里新溝口

馮家蕩

山陽縣東出新城東南周圍一百里

馬長汀

寶應縣東九十里東北通鹽城南接博支湖北

會射陽湖

赤水澗

寶應縣西南七十里入灑火湖

蓼澗

山陽縣西南六十五里東連天井蕩西入青州

澗

青州澗

山陽縣西南七十里東由雙溝入白馬湖西入

高良澗

高良澗

山陽縣西南九十里由清河沙埠入淮河近建

有石閘一座

茭更灣

即今楊州灣頭漢吳王濞開通海陵倉又隋仁

壽四年開以通漕以下二灣俱屬江都縣

金家灣

即邵伯南堤東西灣今開閘通運鹽河芒稻河

家灣

高郵州城東南堤灣以禦上河盈溢之水

父子灣

高郵州西五十里通珠湖

都浦灣

草灣

以上二灣俱山陽縣堤臨黃河

廟灣

屬運司淮南場臨海口

靈潮堰

儀真縣南官河西與新河接即今清江閘前古

漕河也

平津堰

即今寶應縣運河堤自黃浦至界首長八十里

唐李吉甫所築堰是也

高家堰

山陽縣西三十里以障淮湖之水萬曆六年總

河潘公大加修砌

麻線等三淺

屬儀真縣

花園等十一淺

屬江都縣

王琴等十一淺

新河十二淺

俱屬高郵州

子嬰溝等九淺

屬寶應縣

黃家等十五淺

屬山陽縣

季家橋等五淺

屬清河縣

按各淺相去約九里淺各有舖舖各有船船各有夫以
備撈濬淺塞詳見條議

廣惠閘

通惠閘

俱在瓜洲先係土壩糧運商貨俱挑盤過壩隆

南河志卷之一
慶六年始建閘自花園港江口至運河口止長六里啟閉
以利
以行糧運民便之

邵伯越河南口埭口閘

新閘 在楊子橋萬曆二十五年建伏秋啟以洩水南入
大江春冬閉以濟運

羅泗閘

通濟閘

響水閘

三閘成化十年提河郎中郭昇建俱在儀真縣

攔潮閘

在儀真成化十四年建

康濟河南口埝口閘

弘治二年建

界首越河南口埝口閘、萬曆二十八年建

弘濟河南口埝口閘

萬曆十三年建

板閘

萬曆四十五年李郎中重建在山陽西十里

清江閘

山陽西三十里永樂十四年建

福興閘

山陽西四十里萬曆七年改建

窯灣閘

在楊家廟新河

永清閘

在新河二閘俱萬曆九年建

新莊閘

永樂十四年建萬曆七年廢下三閘在清河縣

通濟閘

萬曆七年移建

通濟月閘

天啟四年建屬清河縣

自瓜儀至通濟漕運所經之閘九二十三座已廢者不

載其藉以蓄水而不施板者曰平水閘另列於後

灣頭閘

入運鹽河首閘也以下十三閘屬江都縣

新開閘

在宜陵鎮白塔河口今改建石壩

大同閘

在白塔河今廢

灣頭埧閘

金家灣三閘

洩水入運鹽河至芒稻河入江

邵伯小壩閘

邵伯鎮址至越河口小閘五座三溝閘一座

露筋閘二座

芒稻河閘

萬曆二十三年建近因傾圮改建石閘石壩

三十里鋪閘

以下十二閘皆屬高郵州

車邏鎮閘

五里壩閘

南吊橋閘

南水關小閘

通湖橋閘

徐家橋閘

劉閘 二閘

清水潭閘

張家溝閘

界首鎮閘

東堤子嬰溝大閘

以下十六閘皆屬寶應縣

力清溝閘

朱馬灣閘

即劉家湖閘

汜水閘

江橋閘

文峯閘

即躍龍閘

三里溝閘

郭家溝閘

八淺閘

黃浦閘

節兒溝閘

西堤雙橋閘

南可志

卷之二

三

八

三淺四淺閘

各一座

七淺郭家溝小閘

九淺小閘

丁溪閘

下五閘屬興化天啟二年建以禦海潮洩河水

小海閘

草堰閘

白駒閘

劉莊閘

俱係五場海口閘

李稍港小閘

海門縣萬曆四年建以通江

澗河龍王廟閘

萬曆三年建以下九閘皆屬山陽縣

涇河閘

萬曆二十二年建

興文閘

萬曆四十一年建

烏沙河永利閘

萬曆二十九年建

通湖馬湖閘

武家墩閘

萬曆三十三年建

高良澗閘

萬曆二十四年建

周家橋閘

萬曆二十五年建

古溝閘

設板以杜客船漏稅

按平水閘每閘底以蓄水四尺為度令可運舟不設板亦不設夫水漲則任其外洩水消則儘閘而止自為補瀉云其山陽之通湖閘亦以防淮漲運河不及宣洩而於湖內分殺其勢耳

儀真五壩 縣南里許曰一壩稍南曰二壩又南曰三壩迤東曰四壩五壩各疏支渠數十步與外閘河相為表裡瓜洲十壩 皆官民船所由者第以一二三四五六七壩則惟過水而不通舟其十乃實壩也

淮安五壩

仁字壩在新城東門外與義字壩相連

壩在新城西去仁字壩五里智字壩在通濟橋去新城五里與信字壩相接俱永樂十三年建上置車盤過載江都沙壩 實壩不過水

白塔河滾水石壩

原係石閘後船由瓜儀閘改為石壩

邵伯南小壩

上接江儀高寧下通興泰等處鹽場

高郵蛤蜊壩

絞關壩

朱家壩俱節制上河之水

寶應新河壩

萬曆四十三年改建天然壩

山陽天妃壩

實壩

方信壩

係先年盤壩

南鎖壩

按諸壩有欲節內河之水而設者有欲却外黃流之濁而設者後既建開舊壩間有廢者茲特詳列俾後之治水者得以稽考而修復焉

高郵寶應山陽涵洞各十八座

涵洞原不止此惟三處

為要故特紀之

蔡家口涵洞

天啟四年士民具呈建西掣湖水下通澗

河自射陽入海

按涵洞之設本以疏漲溉田然漕河一帶以通運為重

奸豪踞之或濠反閉塞而旱則私開反為漕害所宜申
飭明禁者也倘有力之家願改建平水小閘者聽焉

屯船塢

一在儀真縣欄潮閘外以備渡江重運各船住
泊一在瓜洲城內屯泊官民船隻盤剝之處

海田高郵

海田高郵縣屬也船塢內約田有千畝萬曆初年係興化李

文定公領佃陞租後通學生員貢懋德等連名呈稱與本
州風水有碍本州通詳各院自文定公退出而懋德等領
作學田耕耘未久因南門外建有石閘通水學田屢致淤
沒今東隅尚有高阜約五十餘畝可以佈種雖給新建東

塔住持僧香火今宜撥為珠湖別墅之用址有海臺上建
八蜡廟

南河志卷之一終